



partii naleraq

Nuuk 15. okt. 2019

UPA 2019/60

Jens Napätök, Partii Naleraq

**Cigarittikut taamatullu cigarittit kimmivikui utertittartussanngorlugit qularnaveeqquserneqartalernissaasa iluaqutissartai ajoqutissartaalu misissuivigeqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinerup inerneru Inatsisartunut saqqummiuteqquneqarpoq kingusinnerpaamik UKA 2020-mi ataatsimianneq aallartippat.**

Inatsisartunut ilaasortaq Justus Hansen, Demokraatit

Inatsisartunut ilaasortaq Justus Hansen, Demokraatit siullermik Partii Naleqqamiit qutsavigerusuppatsigit siunnersuuteqarninnut.

Siunnersuutigaat cigarettikut taamatullu cigarittit kimmivikui utertittartussanngorlugit qularnaveeqquserneqartalernissaasa, tassalu cigarettikut kimmivikuilu utertittartunngornissaat puiaasat utertittarnerattuut tamatunngalu tunngatillugu misissoqqullugu iluaqutissartai ajoqutissartaasinnaasullu.

Inatsisartunut Demokraatit tunuliaqutaralug ilaasortaq Justus Hansen, Partii Naleqqamiit isumaqatigilluinnarparput nunatsinni sumiikkaluaraanniluunniit maluginiannigitsuugassaannigisorpassuit ilagilluinnarmassuk cigarettit kimmivikorsuit sumi taamaaniinnarmiittut, aqqusinermi pinngortami sumiikkaluaruttaluunniit takussaasorujus-suullutik. Justus Hansen ilumoorluinnarputit takujuminaaqaat, kusanaaqaat.

Siunnersuuteqartoq aamma ilumoorluinnarput amerlasuut ilaatigut toqqaannartumik eqqarsaatigisarunanngikkaat avatangiisimut tassalu pinngortitamut mingutsisarmata assigiinngisorpassuarnik akoqartitsernermigut.

Cigarettit kimmivikui oqaatigineqartarpoq maangaannaq iginneraniit piuneerunnissaata tungaanut ukiut tallimat ingerlaqqaartartut aammalu mikroplast-inik akoqarnerat peqqutigalugit sivisunerusumik piuneerukkiartorsinnaasarlutik.

Cigarettit taamatut maangaannaq eqqarneqartartut katersorneqartassappata nunani qanitarisatsinni naatsorsorneqakannertarsimavoq kimmivik ataaseq 2 kr missaaniittussanngorlugu, taamatullu eqqakkat allat maangaannaq eqqakkat eqqarsaatigalugit tyggeqummit 10 kr missaani naatsorneqartarsimavoq.

Maangaannaq eqqakkat aammalu mingutitsinerit nunatsinni qujanartumik annikilliartorput aammalu allanik mingutitsinerungaartunik suli suliassarpassuaqarpugut, soorlu eqqaavissuagut illoqarfinni mikinerni amiilaarnaannartumik ikuallanneqartarput illoqarfik pujortuinnanngorlugit inuit peqqinnanngilluinnartumik toqunartunik pujoorfigineqartaarput.



Taamaamat suli suliassaqaagut aaqqikkasuartariaqartunik.

Pujortartut uani eqqagarsui uani kisimi pineqarnerat akuieringilarput allatpassuaqarmat aamma uagut maangaannaq eqqaaneq akuieringikkaluarlutigu isumaqarpugut ataatsimut isigalugit aaqqissuussinerit ingerlalluartaqartut.

Nunarsuarmi maani nunami cigarettit akusunersaat ilaapput akitsuuteqangaatsiaramik taamatullu qaavatigut utertittarnissaanut qaavatigut akitsorsaqqissuagut? Allaffissorneq annertusaqqissuarput, pisariunerusumik suliakkersuutigeqqisuagut? Inuiaqatigiit aningaasarsiornerannut iluaqutaanngitsumik iliuseqarluta aningaasartuuteqaataanersunik pilersitseqqissaagut? Uagut Partii Naleqqamiit isumaqarpugut pujortartut akissusaassuseqarnerulertariaqartugut maangaannarsuaq eqqaajunnaarluta cicarettiinnaat pinnagit aamma allarpassuit eqqarsaatigalugit.

Inuit ilaasa maangaannaq eqqaanerat inuiaqatigiit sinnerata akilersuinnarsinnaangilaat peruserisartakkagut allangortinniartaqalerpagut.

Nunami maani suna tamaat inatsiliorunnaarlugu inuiaat inatsisiliunngikkaluarlugu qanoq iliuseqarsinnaanerput aqutissiuunneruleriartorniartigu aamma siuariartorfigaarput.

Nuna qulaaniit suna tamaat inatsisilersorlugu ingerlanneqaannaleraangat oqartussat suna tamaat aqutussangorlugu annertusaaneq ingerlagaluttuinnartarpoq, inuit pisinnaanerat upperalugu aporfinnik akitsorsaataasunik pilersititsiorturunnaarluta pisariillisaanerulluta pikkorinnerusariaqartugut Partii Naleqqamiit isumaqarpugut.

Partii Naleqqami akitsorsaataasinnaasut aammalu allaffissornermut qaffassaataasinnaasut killilersimaarniarlugit inissisimavugut isumaqaratta inuit kaasarfiinik aallertuarneq killeqartariaqarmat, ila inuit nammineq akissussaaqataasinnaanerat annertusarniarli qulaaniit akitsorsaataasinnaasunik pilersititsiorturunnaarluta.

Suna tamaat qitiumiit aqunneqarsinnaangilaq aammalu qitiumiit suna tamaat inatsiliorneqarnera pakkersimaartariaqarpoq, inuit periuseqarnikkut aammalu pitsanngorsaajuarnikkut ineriartornissaq qitiutillugu ingerlariaqqissinnaasariaqarpugut.

Taamaamat akitsorsaataasussat makkutut ittut qaavatigut akitsorsaqqinnagit aaqqiiffiginiarnissaat inuit peqatigalugit uagut periuseqarnerurusuppugut.

Taamaamat siunnersuut inuit kaasarfianiit aallerfiusussaq uagut Naleqqamiit peqataaffigerusunnatigu allatut suleqatigiinnikkut anigorniarnissaa atuisut peqatigalugit aaqqiiffigerusunneruaput.

Taamatullu Naalakkersusiut akissuteqarnerminni oqaatigaat allaffissornikkut oqimaasinnaasut pilertitsisussarlu.



partii naleraq

Nuuk 15. okt. 2019

UPA 2019/60

Jens Napätök, Partii Naleraq

Taamatullu siunnersuuteqartup akuutissarpassuit imarisai ulorinartuusut, taava sooq aqqissuussissuugut meeqqat katersuisartussanngorlugit cigarettikorsuarnik?

Allatut periuseqarluni maangaannaq eqqaaneq tyggegummikut allarpassuilu pillugit iliuuseqarnissaq pingaartillugu innuttaasut peqataatinnerullugit aqqissuussinerit ujjartorneqarnissaat uagut kissaatiginarnerutippapput Partii Naleqqaminngaaniit

Naalakkersuisut akissutaat Partii Naleqqamiit naammagisimaaratigit oqaatigissavarput, taamaammallu ajornartorsiut cicarettinuinnaq tunnganngitsoq, kisiannili avatangiisitta eqqiluinnerunissaanik ataatsimut isiginnittumk aaqqiiniartoqarnissaa pingaartillutigu periarfissarsiortariaqarnera isumaqataaffigalutigu siunnersuuteqartoq naaperiarnissaanut periarfissaasinnaasut qulaajarnissaanik Naalakkersuisut allannguutissamik siunnersuuteqarnerat tapersorsorlutigu ataatsimiititaliami aappassaaniinnginnerani suliarinqarnissaa innersuupparput.